



國家清史編纂委員會·文獻叢刊

六編

清代稿鈔本

第二九一冊

國家清史編纂委員會・文獻叢刊

六編

清代稿鈔本

第二九一冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第二九一册目錄

京報摘鈔

.....

京報摘鈔

不分卷

光緒十二年正月至光緒十四年五月

佚名輯

鈔本

光緒三年正月初三日京報

江西巡撫德馨

再前准戶部咨光緒十二年選看八旗秀女所有各旗將現在外任
官員等秀女造冊咨部由部轉行各省將應選秀女現年十二歲
至十八歲者迅速送京備選等因奴才兩女一現年十五歲一現
年十四歲均例應送京業經造冊咨送部旗在案本擬遵限十月內
啓程赴京適次女感受風寒未能就道現已延醫調治甫漸就痊而
氣體尚未復元奴才一子文翰供職兵曹未隨任所此外並無親屬
堪以護送長途跋涉舟車千里在在堪虞現奴才另摺陳請 陛見
如荷 恩旨允准即當趨詣 宮門擬即由奴才順道親送京師以
備選看誠恐到京遲延謹附片陳明伏乞 聖鑒訓示 勅部查照
施行謹 奏軍機大臣奉 旨着該撫派人即送伊女來京聽候選

看該部知道欽此

光緒十九年正月二十一日京報

幫辦軍務大臣伊犁將軍奴才金順跪 奏為特參擅動軍餉委員
請 旨先行革職勒限嚴追以重公款恭摺仰祈 聖鑒事竊奴才
於光緒九年六月派委花翎運同銜甘肅補用直隸知州德徵執持
文領自伊犁起程前赴戶部請領吉林黑龍江四起馬隊官兵應需
光緒九年十冬臘三個月餉銀三萬兩飭其飛速解營用資接濟上
年八月該員領餉回營經四起馬隊翼長沙克都林札布派員驗收
竟短交至四千八百餘兩咨報核辦前來奴才面詰其何以虧短如
許之多該員一味支吾罔知所措繼思軍餉為重即予勒限追繳擬
俟繳清再行核奪懲辦乃限期屢展而該員屢置漠視迄今年餘之
久延抗不繳實屬膽玩已極若不據實叅辦其何以肅軍紀而儆效

尤相應請 旨將花翎運同銜甘肅補用直隸州知州德徵先行革職交地方官看管勒限嚴追倘再逾限不繳或繳不足數即行從重叅處以重餉需所有特叅擅動軍餉委員請 旨先行革職勒限追繳緣由理合恭摺具陳伏乞 皇太后 皇上聖鑒訓示謹 奏軍機大臣奉 旨德徵着先行革職勒限嚴追餘依議該部知道欽此

光緒十二年正月二十七日京報

閩浙總督楊昌濬

再前獲哥老會匪首潘漢秋訊明正法業經奏報在案此輩黨類不一隨處勾煽滋事迭經飭屬嚴密訪拿以獲到首要起有實據為準旋據管帶恪靖砲隊副將鍾紫雲起獲賀汶燦何為漢二犯訊明放飄結會起獲黃綢令旗布票簿摺等件即在軍前正法又據南平縣等起獲於定幘李得潰二犯訊係游勇黃夜糾劫殺斃差弁祝步青等三命起有會號手摺又據分統凱軍提督張朝棟等報獲劉添潤劉針卿二犯訊認結盟入會身充老冒並起有布票照會等件均屬哥匪無疑先後飭派道員復訊明確就地正法梟示以昭炯戒而杜煽惑據兼署福建按察使劉瑞祺核詳請奏前來除南平劫案另飭照例辦理外臣謹附片陳明伏乞 聖鑒謹 奏軍機大臣奉 旨

知道了欽此

光緒十二年二月初七日京報

頭品頂戴革職留任閩浙總督兼署福建巡撫臣楊昌濬跪 奏為
揀員升補海外要缺通判恭摺仰祈 聖鑒事竊准吏部咨光緒十
一年六月十六日奉 上諭左宗棠等奏查明澎湖失事員弁請分
別懲處一摺福建澎湖通判鄭膺杰著革職發往黑龍江効力贖罪
等因欽此欽遵咨閩照例應歸八月分截缺所遺臺灣府澎湖通判
係海外 題調繁難中缺例應在外揀員請補該通判孤懸海島控
扼臺疆地當孔要非精明練達熟悉海疆情形之員不足以資治理
臣隨督同藩臬兩司在於通省現任候補通判人員內逐加遴選非
現居要缺即人地未宜一時實乏堪調補之員復於應升人員內揀
選惟查有卓異例准先儘升用按察司經歷戎陳猷現年四十四歲

係浙江杭州府錢塘縣人由監生遵籌餉例報捐布經歷分發指省
福建試用並捐免赴部驗看經前撫臣於同治元年五月十四日驗
看留閩差委奉部核准註冊驗看之日作為到省日期借補按察司
經歷於光緒二年七月十一日到任試署一年期滿奉准實授試俸
三年期滿呈請詳咨銷去試字仍照原銜升轉初次六年俸滿驗看
堪以留任考試取列三等光緒九年分 大計卓異薦舉奉准部覆
准其卓異加一級註冊在任候升各在案該員才具穩練辦事勤能
在閩年久熟悉海疆情形任內並無關降革處分以之升補臺灣府
澎湖通判洵堪勝任足資治理惟調缺請升與例稍有未符但係海
外要缺人地實在相需且係卓異先儘升用人員合無仰懇 天恩
俯念海疆員缺緊要准以卓異升用現任按察司經歷戎陳猷升補

臺灣府澎湖通判實於地方有裨如蒙 俞允該員係卓異應升現任按經歷請升通判係屬初升人員例毋庸核計叅罰仍俟奉到部覆再行給咨送部引 見所遺按經歷員缺係奉新章後初次出缺按照章程應由部銓選據福建藩臬兩司會詳前來臣謹恭摺具陳伏乞 皇太后 皇上聖鑒 勅部核覆施行再福建巡撫係臣兼署毋庸會銜合併陳明謹 奏軍機大臣奉 旨吏部議奏欽此

光緒十二年二月初七日京報

閩浙總督楊昌濬

再閩省興化泉漳一帶民俗獷悍鬥擄頻仍並有烏白旗會匪經臣會商前大學士臣左宗棠奏派前湖南提督羅大春統率恪靖洋槍隊兩營馳往彈壓查辦奉 旨允准在案羅大春自駐辦以來鋤莠安良勤勞倍著前此因病請假經臣慰勉力疾從公一切漸有就緒茲復接羅大春咨報舊傷時發兼患咯血之症精力實有難支自應准予離營安心調理現在迭奉 寄諭裁撤營勇羅大春所部兩營係由浙招募成軍即令該提督統帶回浙妥為遣撤以節餉需該兩營自浙隨帶洋槍等項均交閩省善後局收儲由局發價清款至各蠻鄉查辦未竣未便稍涉鬆勁致虧一簣之功查有前代理臬司福建補用道劉倬雲才識明決辦事實心應飭該道率所部楚軍達字

福字兩營嚴申紀律前往接辦治民與治賊不同已飭該道會商各該地方官詳察情形擇尤嚴辦為懲一儆百之計務除首惡勿累無辜被脅勉從者寬其既往准予自新並明定期限期妥速藏事以仰酬聖主綏靖地方之至意所有在事出力各員弁擬俟查辦完竣再行酌核辦理是否有當除咨部查照外臣謹附片陳伏乞 聖鑒訓示謹 奏軍機大臣奉 旨該部知道欽此

總理各國事務衙門為咨行事光緒十六年閏六月初四日奉衙門具

奏議不薛福成恭運外洋軍火事以約章請

旨飭部一摺奉日奉

硃批依議欽此欽此奉報

諭旨抄報原案咨行貴州

欽送嗣後如有辦辦軍火務查照同治五年章程辦理可也

計抄原案

謹 奏為道

旨欽奉事奉機要抄出使大臣薛福成奏請新禁私購外洋

軍火以杜隱患一摺查原案內稱前以英人楊生私運軍械接濟金匪當經照會英外部以中國案案紛起由於金匪軍火係由英人向香港私購請速禁軍
花出口旋據接報已由港英示禁以六個月為期本年二月後准總理衙門電請
展期續禁又經外部奏稱展限六個月上年戶部盤查楊生私運軍火之時天
津各口同時搜獲輪船私運洋槍等件迄今十月間建甌縣匪黨匪子周其福等
所用頗多外洋利器及軍火等件早經禁止是地實係載民間私藏軍器名目極